

福惠全書

七

74
6473
17



成當作真
當作成則當
作乃

今當作使字
使知之使當
刪去

出境訖每早將昨日各船報單彙繳本官以便照例限
造册申報該管河廳或管河道轉報總河所報入境日時
不得填先太早出境日時不得填後太遲以漕船日行立
有定限恐出境太遲總河查出本州縣有催償不力之咎
且漕船停泊不惟旗丁等賣米裝貨前途他處發覺供出
裝賣地方均有未便尤恐火燭有不戒之虞地方官則干
連受罰矣本境河道或有淤淺窄隘之處水大時宜于淤
淺處插立標竿使漕船憑為眼目以便由深通行走水小
時其窄泓有泥灘沙灣屈曲難行宜令河夫導引使知所

答下當有必
字攸當刪去

趨避若本州縣漫不留心重運一經擦淺阻泓便生圖賴
非云走漏濕米即索夫船盤剝任其勒詐故意耽延稍觸
其怒彼輒具文申報則壞米遲船之咎有所攸歸矣故插
標指泓斷斷不可少也如工房河夫貽悞定行重究管河
例係州同主簿亦須牒行申飭必往返之間平安無事亦
地方官之幸也

河隄歲修

夫近運河及有關水利之州縣例有隄岸歲修工程有額
設歲修之河夫每年有額設河夫之工食董其事者則在

州同主簿而考其成者則在州縣印官每歲經管河道河
 廳或一次二次按臨查勘稍不如式則駁詰隨之一遇坍
 塌冲决參罰攸係故申報止稱漫水亟為修築若漕艘所
 經橫流內注難以牽挽而前恐申報者則在衛弁而不待
 州縣之徘徊補救也故正印官宜留心經畫毋專聽之佐
 職以自貽悞然所謂工程有岸址寬厚者有河流身直深
 通者有岸外地淺而平者則其堤易修而可久有岸址薄
 窄者有河流折衝淤阻者有岸外地低而斗者則其堤難
 修而易壞何以言之岸址寬厚隄第增高而基工可省河

身直深通漲流順達而水不激堤岸外地淺平堤足易培
 而涵洞省力若岸址薄窄河流衝淤岸外地低斗者則反
 是所謂修築薄窄者則幫之使寬厚折衝者則順其勢而
 築之使堅淤阻者則濬之使深通而不停溢低斗者則培
 之使厚而不致崩頽其有通長朽壞而堤根不固者則必
 重新興築其興築之法計工長若干用夫若干每夫分其
 丈尺使各有責成各夫所築之工雖有分工而無分堤要
 使修築如一而無堅鬆厚薄高低不一之殊是在監理者
 而時為巡視之堤根浮土務要剗平夯碾堅實堤兩傍務

要大椿厚芭深釘密攔使土不外卸而中可堅礮併填磚
 石惟柴草浮鬆不宜填入每土一層夯礮一層如是層層
 夯礮土力方能膠固其堤形須下寬上窄漸斜坡而上約
 頂平二丈底濶五丈坡斜則不受浪頭衝激底濶則堤身
 豎立經久堤面須圓平使中稍隆起不可低陷使人畜日
 行而漸凹積水壞堤其新舊堤接筭之處務要裡外融合
 無痕圓平堅厚不得閃離薄削缺凹使水停折激蕩而易
 于穿漏工完之日印官親為察勘用大長鐵針錐札入堤
 拔針不得使手搖磨以水灌滿孔中不致消滲方為堅實

若用手搖磨針孔捏緊水可良久不消此作工者之奸弊
 也堤滲水不堅定將所分工夫役重責仍罰另行夯礮併
 監理工房重責仍申飭河衙督察不嚴之咎堤裡坦坡之
 下多栽卧柳以護堤根稍大則伐之但留小者近堤頂及
 面俱不宜栽柳恐樹長根深風雨搖撼損動堤身每年科
 伐柳枝令經營監視計束若干報明堆貯毋使偷竊朽爛
 以備修築之用其新堤初成宜禁人畜踐履俟雨雪蟄伏
 之後便無礙矣然車輛最易損堤更須永禁宜于堤裡另
 築一道以通之庶行旅無阻而堤亦無害凡堤面有漕船

停泊楸眼宜不時填塞堅平毋致雨水滲入堤外有浪激
狼窩宜預行補築堅實勿致三春桃汛入秋伏漲濤浪攻
穿猝難堵塞如遇霪雨連綿河流漲盛宜集河夫于單薄
之處多備柴草柳束土石鋤鑿之類派定人夫搭蓋窩鋪
晝夜防守一經衝決宜急下帶堵塞毋致開潰其河身低
下之處平時宜多作堅固涵洞使水外洩以殺奔騰之勢
抑亦補偏救弊之策也夫歲修工程誠能官吏實心監理
夫役加工盡力而又時時查看事事預防則堤猶有不堅
固者乎然而額設河夫有春秋修築之責有插竿指泓之

責有培墊狼窩楸眼之責有種柳之責有大水泛漲搭鋪
守堤之責一歲之中暇時無幾且類皆窮民所賴資生者
止此數金之工食而已其間官河巡查規禮有費經承監
修飯食造冊紙張有費若印官又行剋扣則所領幾何其
弊必致有併夫而食者夫併而名額則缺額缺而修築需
人其夫寧更有餘資以為僱募乎官長深知其故苟歲修
稍可支持便為停省及至遷延日久不幸而雨霪河漲堤
岸衝潰將束手而坐受其叅罰矣鴻以為與其待叅而多
方補救莫若廩餼按數支給使巡查規禮聽其抑存經承

飯食紙張嚴飭不許需索其額夫造册點卯取連名互結
 不許短少如此則各夫糊口有資自不敢併夫而悞用苟
 有疎玩雖嚴法繩之彼將努力自奮而不敢加怨于官長
 矣故欲河堤工程歲修而盡力又必自河夫不缺額工食
 不尅扣始

平治道塗

夫往來道路雖山僻州邑猶須修葺平坦使水陸無阻况
 衝劇之孔道乎凡有溪河之處深廣則宜設官渡于何項
 節省而給以工食淺狹則建造橋梁酌其大小而為之捐

募至于途遠無人烟可止者宜建郵亭令行旅少為憇息
 以甦勞困如郊野夷曠于大路兩傍勸附近居民及鄉地
 人等多栽榆柳山松使炎天可以避暑寒月可以為薪其
 樹仍屬所植之人而官不與焉傍人擅取者有罰或地有
 所主即令主栽如主不栽官設法栽植即為官樹地主不
 得擅伐如此則政績無所不張而行者居者均有所賴矣

建立坊舖

夫州邑之有名賢古蹟如人之有美眉目身之有美衣冠
 而不表而出之是與黔面鰲顏被鶉帶索者等耳而烏睹

其秋瞳芝宇切雲曜日之都哉故博雅君子聞先哲之遺
 風攬昔賢之勝槩不勝流連而羨慕之况牧宰之躬蒞是
 邦而不訪求搜採以為表章之盛事乎故或里居幽僻則
 為榜芳名于周道跡鄰近地則為標逸事于豐碑但期有
 美之必登莫令遺賢而削色至于馳傳舖舍亦州邑之標
 幟也宜五里十里一設以至三十里舖而止使行旅未瞻
 雉堞之連雲先識津亭之峙野不猶為百里侯壯其威采
 乎所謂游刃有餘治劇以暇者此其一班耶

修葺館署

凡州邑處于衝途上司使客往來自多即簡僻之區亦時
 有方面監司按部與仕紳見訪若館舍荒涼居停卑陋何
 以展恭敬而成政理乎故單子過陳因宰不致餽里不授
 館而知陳必亡子產如晉因諸侯舍于隸人輸幣委之暴
 露乃壞其垣而納車馬趙文為之謝罪考之周制貴國賓
 至視敵國之賓班加一等而益虔王使至視貴國之賓皆
 官正蒞事而監之上卿所以修鄰好敬大邦而恪尊天使
 也今州邑設有察院乃備憲節之經臨者宜歲時修葺彩
 繪一應供帳器用與旗幟執事樂人與皂衣帽俱預製整

齊造冊點記貯庫備用令庫書收掌兵工房照看毋致遺失毀壞其過差使客經臨如地方凋瘠無有閒房可備館舍宜擇關廂寬大潔淨客寓免其襍差于使客將臨之際該管人役預為知會掃除鋪設一應供給膳餐廩餼如司馬陳芻工人展車之屬無不備具使賓至如歸大小莫不懷愛是非儼然成周之盛制乎往往有司務為荒陋以形瘠苦然則維衰振敝而諸務畢舉者果何在哉故古之有國者不敢以賓至無備獲罪于天王諸侯今之為州邑者又可以自甘褻越取咎于上司使客乎

城門報單

夫邑治處于省會郡城其冠蓋往來行旅出入固繁難探報若簡僻州縣非如通衢孔道其仕紳商販往來無幾則城門可以時至而時報也新官蒞任之始即宜出示申飭守門門軍除在城紳民親友入城問明免報外如係拜訪本州縣賓客一到城門即須問明是何仕宦姓諱何處籍貫或往某處至此經過或徑來此現在何店家安歇逐一問明仍請回寓暫駐俟報明本官自行拜謁該門軍即行寫單密報應否拜會以憑本州縣定奪如有騎馬帶械之

人即行攔阻。行客說令城外行走。有公事入城者。亦應問明。何差何人。或到營。或到縣門。軍即時稟報。違者重究。蓋賓客見顧。或好友經過。未忍忽然而去。或親知遠至。必懷希望。而來好友。乃吾所歡接。豈無投轄之留。親知亦諳所難拒。當盡解驂之意。又何必待彼先施。而始為答拜乎。至于素無相識。游展浪投。彼既無他徑之由。我亦得卸不知之罪。則飲米茹蕖之餘。又可省此無益之應酬矣。然須預飭門軍。小心婉稟。不得以戇氣粗言。開罪一經查出。併究不貸。

佐貳濫刑

夫衙官濫受民詞。律有明禁。然每有民間口角爭鬩小事。不便瀆控于印官。而但具稟于佐貳。亦有憤懣無洩。欲令稍傾慳素。而為衙官作壺榼之需。為衙官者。因廉俸之有限。不無冀錙銖以資薪水。然宜各兩造而以理諭之。使親友証佐為之處釋。以聊受其紙張而已。此亦律設大法。理順人情之意也。夫何擅作威福。遽爾加刑鞭撻之餘。又施三木。豈不謂之肆無忌憚乎。甚有假堂上之批詞。以為虎嚇之具。因勢衿之呈送。遂為狐媚之行。因而濫禁監倉。恣

其凌虐是所謂傳虎而翼者矣夫為堂官計與其有事而加飭有傷同寮之雅莫若先事而婉戒使知自儆之優倘漫不為意堂詞未可輕批宜名該書嚴加切責若少自知愛未有不惕然斂戢者矣雖然表正則影自直苟堂官息訟寧民慈祥素抱雖貪暴之徒亦將化為廉靜敢更有多事而肆虐者哉

嚴飭關津

設關之意在于固疆圉而守關吏卒遂多立私稅以抽商非需索銀錢即抽其貨物使商買視為畏途甚有借盤奸

詰究之名婦女經由必令停車褰帷輕薄恐嚇非得錢不肯放行設渡之意在于通往來而操舟夫役每結黨而橫肆或按頭畜論價或照貨物論錢一遇轎車靈柩則隨意勒索每當雨雪泥濘之時必多人抬舁始克登舟而岸傍皆伊黨類任其呼倩反袖手椰榆而不顧彼行旅既慮長途日暮難以羈程兩厓皆屬荒原又無宿店不得不忍氣吞聲任其飽壑竟有詐錢數串銀數兩不等者至于黃河大江巨浸險溜之處始則哄人上船不論舟小人多幾無容足且偏驢馬參襍行至中流停舟索錢人畏風波馬驚

震○撼○而○覆○溺○之○患○祇○在○須○臬○遂○爾○各○求○性○命○安○惜○金○錢○乃
 至○無○求○而○不○得○此○等○厲○民○之○徒○安○可○不○嚴○行○禁○飭○于○守○關
 吏○卒○當○移○會○本○管○痛○除○前○弊○若○官○渡○既○有○工○食○念○其○守○候
 河○干○有○馱○脚○客○貨○者○量○給○酒○資○散○人○不○許○要○錢○若○私○渡○原
 無○工○食○船○戶○姓○名○報○官○每○馱○限○以○二○文○每○人○限○以○一○文○惟
 黃○河○大○江○給○增○三○倍○均○宜○立○碑○渡○口○通○行○曉○諭○本○州○縣○仍
 不○時○密○察○如○有○違○禁○多○索○立○時○重○責○枷○示○則○奸○徒○知○儆○行
 旅○感○悅○是○亦○仁○政○之○一○端○也
 此條未信編述之頗謬故多採錄之

禁婦女燒香

婦人女子謹守閨門理之正也後世風俗不古婦女好為
 遊冶遂爾盛妝艷服玩水遊山畫舫香輿朝神禮佛雜遝
 于少年之羣嬉戲于僧道之室固無論花迷蝶戀魂斷芳
 叢色鬼淫魔攝歸懽洞即路傍之諧謔難辭輕薄尖唇去
 後之風流莫禁顛狂細論是非自取其賤辱乎更可恨者
 丈夫無恥專為賣弄其妻巾幗多淫借此物色所愛甚至
 郎隨身畔見人調戲喜非常婦被情牽贈彼釵鈿欣有遇
 于是增妍飾媚何殊倚市之青樓因而巨族名門竟化勾
 欄之碧帽若不嚴為禁革將來敗俗安窮宜大張榜示先

乃當作即

諭後拿敢有仍前婦女出外閑遊入寺燒香紳衿之家嚴
 拿僕從庶民之家嚴拿夫男并容留僧道重責枷示其三
 姑六婆乃誨淫之媒使風月之牽頭逞其邪說縱令貞婦
 也情搖落彼好圈任是侯門皆狗竇若男子縱其來往是
 欲受妻孥之封贈者也亦宜張榜示優尼道姑應靜修菴
 院不許擅入人家抄化穩婆除收生外不許托故重來花
 婆斷宜驅逐不許容留本境著該約地嚴查如有違抗不
 遵即時稟報以憑拿究如此則頽風少正閨帷嚴內外之
 分美俗可成士女盡關雎之德矣

禁凌鋼僕婢

人生雖有貴賤性情皮肉總是一般如人自家兒子罵著
 便怕他惱打著便怕他疼若是買來僕厮一言不合意便
 罵一事不順心便打不知其獨非人子乎祇緣父母貧窘
 不能養活致令失身于下賤耳為家主者彼所不知宜教
 導之彼所不能宜體諒之寒則與之衣饑則與之食疾病
 則與之醫藥勤其看視毋令凍餓而弗顧毋令患苦而弗
 聞主人恩養如此彼獨豈無良心自是感戴深恩有同父
 母縱或懶惰嬉遊失時悞事加之笞責亦不過戒其省改

彼將自悔無詞又豈敢啣怨于心耶甚有主人不正垂涎
 僕婦少艾婢女姿容背人調戲妄起邪淫稍或含羞自拒
 避嫌莫從遽加過失之條大肆鞭箠之毒必強遂所求而
 後已設其夫知而懷憤報復無從非修彼此點污之謀即
 興早夜戕害之慘倘又惡奴事洩主萌斬草除根之心卒
 致其夫于死地而安意饜飫于此一變也鬼神有知豈能
 逃冥冥之察乎至于婢女蒙主公之錯愛觸主婦之妬腸
 終日非刑拷掠每令含愧輕生此皆家長不顧尊卑挾威
 恃勢釀成淫惡之端致招刻薄之報家門日見凌替衣食

漸至蕭條未幾而子若孫妻若女又為他人之僕厮賤婢
 矣可不哀哉可不畏哉考諸古禮男子三十而娶女子二
 十而嫁蓋古時民風村愿男女以力作耕桑為務而且養
 其血氣必在于方盛既定之後始可婚娶所以重人倫而
 繁嗣育也今之女子標梅之詩未賦傷春之什已裁故父
 母之愛弱息或襁褓而納徵或及笄而曰嬪惟恐青春之
 芳歲難留紅粉之韶華易盡亦可謂體貼嬌憐之殷且至
 矣夫何房中侍婢座後雙環朱顏半損未知桃夭之期白
 髮將垂猶抱孤衾之影獨不思物異情同河上春鳩感候

並花間之晴蝶歲徂年逝窓前鸞鏡羞開等簾下之歌純
若其芳心欲綻難禁飄絮逐在風晚艷徒傷竟委殘紅填
冷砌從此人道儼然終絕何知夫婦之恩情後嗣斷矣無
傳永斷子孫之供養言之可為涕出聞者靡弗心酸故為
之主人者馭下當寬而必持身以正恤下宜溥而必匹偶
以時子曰已所不欲勿施于人恕之道也又曰在邦無怨
在家無怨仁之效也夫有是家者烏可不以仁恕居心而
延綿遠之祥哉宰牧蒞斯土宜以此意曉諭其民是亦仁
恩徧逮矜恤惟宏之盛舉也

禁造假銀

民間所利用者惟銀與錢而已錢或有地方不便行使者
銀則通用于天下乃有奸徒安立爐竈專造假銀欺騙愚
民有梅白貼錫插鉛灌鉛對衝鹽燒煎餅種種不一有攪
鉛攪銅之互異甚有鼎銀謂之見風消有假元寶底面紋
窩定如足色有假銀條雪色光瑩謂之倭條此三者更無
分毫銀氣若商賈遠來貿易得此偽造之物不亦虧本而
徒勞乎將有裹足不入而物價頓昂百姓均受其困矣至
于農夫終歲勤動以獲田中斗石莫糶銀以償一年公私

之用當其穀賤之時每所賣石不過銀一二錢乃更低假
 不竟豐年之大歉耶是農民又受其傷矣宜大張示諭民
 間零星使用銀色聽從民便自九成以至紋足一切客商
 貿易貨物羅羅米穀買賣布帛等類務要足色真紋如前
 低假各種一槩嚴禁不許行使煎銷舖戶在本境者須投
 其甘結方許煎銷此外奸徒嚴行驅逐不許容留具結各
 舖敢有倚藉勢豪勾連市棍交通總地黃緣蠹胥仍前煎
 銷低假許諸色人等首告或本官不時巡察立拿重責大
 枷按律究擬民間擅用低假者一併重懲倍罰不貸亦一

創奸魁困之善政也

禁宰耕牛

夫牛所以代人而耕以備農功之用者也若聽人宰殺屠
 儉得以資血肉之利而骨角皮筋又商賈以之網利于四
 方是生者不勝其殺者之多彼力作南畝之夫又將奚賴
 以勤耒耜乎夫民以食為天農以牛為力故律例禁私宰
 明旨戒勿殺皆所以重農用而憫其服勞以資民食也至
 于冥報厭忌之說猶其末者耳宜出示通行曉諭牛代爾
 農服勞為爾民資食之故不可擅行宰殺莊頭鄉地等互

以資之以當
 刪去

相覺察如有擅宰耕牛者即公同驗明赴官舉首審實照
 律問罪容隱者並究若老病不堪使用及死者須向鄉地
 等說明驗其果真投結報官許宰殺食賣如扶同假捏發
 覺并究按律例凡宰殺耕牛并私開圈店及知情販賣牛
 隻與宰殺者俱問罪柳號一個月發落再犯累犯者免其
 柳號發附近衛充軍若盜而宰殺及貨賣者不分初犯再
 犯柳號一個月照前發遣示內宜以此曉之

育養嬰兒

夫上天以好生為德仁人以惻隱為心故春當草木初萌

而肅殺之霜雪不降物方長養宜惜而山澤之漁畝不加
 動植禽魚猶應愛護況于人乎乃有貧民生子力不能贍
 因而棄置者多矣攷之宋淳佑間創慈幼局有遺棄小兒
 民間願收養者官為倩貧婦就局乳視官給錢米如今此
 朝廷弘恤孤之政也又漢賈彪為新息長鄭渾為郃陵令
 禁民不舉子養活者千數其子女致以賈為名鄭為字此
 邑令卹孤之政者也寧得謂此庶人子也而與我休戚何
 與哉夫遺棄子女惟京省城市為多其山僻蕞爾或間有
 之何也以城郭人烟繁聚故所棄祇見其多而山僻鄉邨

散處所棄祇見其少也然散處者力未能畢收繁聚者功
 可以盡致宜于寬曠亢爽之處起建育嬰堂如宋之慈幼
 局延請紳衿好義者董其事父母官捐俸倡首而寮佐紳
 衿富民樂助之僱拾工派定方隅每日黎明出拾日昃而
 歸每年十二人為會首每月輪一人使值一月之事然會
 首未暇夙昔在堂又必聘選一老成有德者居住本堂不
 離時刻以便照管本堂一切諸務其所收嬰兒與所僱乳
 婦日積月增而僱值之銀米稍為不敷則善念將有不終
 之懼又必碩望盛德諸先生分在盛舉多方勸募俾用度

昔當作夜

充裕而不匱更得多金買膏腴之田歲收籽粒獲其贏餘
 以資僱值則行之庶其永久乎其起建育嬰堂外立大門
 而周繚以垣墻前建大堂祀奉文昌帝君後建客堂兩
 廡各三楹司籍出納會計之事皆在焉堂左為倉廩右為
 庖室而兩堂三面造乳舍若干間每間可在乳婦三人以
 三十間計之可在乳婦九十人舍後宜各留一空院使暑
 月通風免致熱氣鬱蒸易成瘡癩且便于澣濯晒晾又于
 舍後稍遠間置則屋數間以便乳婦起如其乳舍兩廂各
 置總門一闔僱老婦二人司早晚啟閉母令閑雜人擅入

庶政部

之當作是

每乳婦除本堂居住飲食仍月給銀三錢或五錢為僱值
 以資其家用須憑媒保照例立僱券以防來歷不明之弊
 亦有乳婦在家受僱乳養者或堂無間舍臨時酌行但每
 月給米三斗僱值如之無論在堂在外其任堂管事者須
 三日一視小兒肥瘦及有無瘡疾如瘦而有疾即係本婦
 少乳併調視失宜便應戒諭令其勤慎看養亟須延醫視
 治婦少乳則黜之另替但乳婦小兒有疾須兒婦兩科醫
 家專司診視或本醫發心或預為延訂按季作何酬謝務
 令聞而即至庶無遲悞之患每有育嬰堂雖設其乳舍卑

濕狹暗前後殊無隙地夏熱冬寒氣蒸穢積瘡疥疾癘大
 小均嬰而兒之肥瘠不為省覽乳婦惟利金錢有何痛癢
 羸疾而死者不知凡幾如是而兒之死于遺棄與死于收
 養止爭遲早耳有何矜恤之為功哉其會首及碩德諸先
 生凡有所勸募樂施者每月擇定某日會收于二日前各
 會首及諸先生即各用本堂知單傳請于是日早臨本堂
 值月者就本堂設饌恭候其饌每桌不過五簋一點一湯
 加餐而罷毋過費以示可久不必用酒所以敬事非為劇
 飲也惟盛寒則三爵及之跟從即以所撤者犒之飯令飽

勿使枵腹奔馳亦用恤下之道其樂施金錢住堂管事及
 值月會首同收按名登記于收數後結一大總以示同事
 各會首公押備照其一月收過銀米若干用過若干現存
 若干收養嬰兒若干抱養去若干病斃若干現在若干悉
 照管收除在造冊于次月會收之日當衆交代下月會首
 接管銀用匣貯按數稱交米用倉貯按數驗付所謂公事
 宜授受分明也其拾工視地方之廣狹以定多寡大約城
 內外各分四隅須用八人少亦四人每人手車一輛上置
 木架冬覆暖幕以禦風寒夏被涼帷以障暑日遇有死兒
 亦收之歸擇淨地理瘞以昭一視之仁其所育嬰兒民間
 情願抱養者亦示期于會收之日值月及管事問明姓名
 籍貫住址作何生理登記于簿以備查考大約遺棄諸兒
 男少女多每有抱養女孩者長成希賣銀錢不問良賤主
 事者宜詳察界之每歲文昌帝君聖誕之日本州縣官
 設醮一壇大集在事諸君將歲中樂施姓名銀米以及收
 養男女嬰兒之數備申神聽使善信福有攸歸其嬰兒
 長成者即以賢父母之字字之亦如賈鄭兩公之民以
 各名子以字字子之意以示仁恩惠政傳諸無窮也然

亦收之歸擇淨地理瘞以昭一視之仁其所育嬰兒民間
 情願抱養者亦示期于會收之日值月及管事問明姓名
 籍貫住址作何生理登記于簿以備查考大約遺棄諸兒
 男少女多每有抱養女孩者長成希賣銀錢不問良賤主
 事者宜詳察界之每歲文昌帝君聖誕之日本州縣官
 設醮一壇大集在事諸君將歲中樂施姓名銀米以及收
 養男女嬰兒之數備申神聽使善信福有攸歸其嬰兒
 長成者即以賢父母之字字之亦如賈鄭兩公之民以
 各名子以字字子之意以示仁恩惠政傳諸無窮也然

僅述育嬰之大畧如此至于因時因地經畫措置之詳俾
 無遺憾是在司牧賢侯審定而酌處之耳僻小州邑錢糧不敷拾工
難僱于大門外設一暖龕使無力
育養者自置之亦一省便之法也

禁溺子女

夫出之毛裏而置之波濤者豈得已哉蓋因貧不能自贍
 而又乳哺以妨力作襁褓以費營求故與其為一以累二
 母寧存老而棄小雖然為父母者亦忍矣棄之中野聞呱
 聲而動側猶有可活之機付之橫流杳孩赤以沉踪永無
 再生之路乃州邑大父母寧不為其生父母而疾呼以禁

非即當作即

乎昔余仲寬之宰順昌也乃作禁殺子文勸其鄉人無得
 殺子歲月之間活者千計夫仁人一言舉無限幼穉之魂
 而奪之于馮夷之手其福德可勝量哉諺云虎雖惡不食
 其子言慈愛之心尚存也今之民貧者多矣恐忍其子不
 虎若也我賢侯其亦跡仲寬之文而感動之則凡此之蒙
 長養以遂其生者非即歌騶虞以頌仁風于無已乎

建救生船

昔宋郊渡蟻而兄弟身登廊廟楊寶縱雀而子孫世並公
 孤一物之微其報至重若救人于覆溺之中者則福祚又

魄當作魂

如當作如

事下當有矣

當何如哉夫州邑地處江湖之濱而往來舟楫時罹風濤
 之險想其入浪求生驚魄自傷于無路扳舷望救呼聲共
 慘于遙聞若其一葦之蕪如安可援手而獲濟故愷悌君
 子倡捐俸之義舉宏普度以作慈航惻隱仁人追樂助之
 賢風拯危津而操寶筏但屬崩崖斷岸之區與夫絕渚驚
 飈之地或五或十守同斥埃之不離若雨若風防比敵師
 之驟至倘急援一命賞逾七級之旌如遲悞片時罪等納
 溝之罰仍應計月以酬備勿令枵腹而供事

捕滅蝗蝻

夫蝗蝻之生多應洪水之年又繼旱乾之歲則魚卵布地
 遇暖而升到處蔓延望青而蠲然而物雖蟲類實有神司
 若其虔祀以求亦或隨風而去縱即聚族以處依然禾稼
 不傷此鴻在郊屢試而有驗者也但鄰境之來似可誠通
 本地之生頗難情論非畀彼于炎火即瘞乃于深坑務期
 噍類盡除莫使遺孽復熾若或窮民能撲計斗石以出粟
 爲償果其重災可移雖肺腸亦願糜以代幸 司牧之早
 爲留意庶羣黎之先事預防

福惠全書卷之三十一終

福惠全書卷之三十二

陞遷部

總論

夫司牧之官終日鞅掌于簿書卒瘁于政事祇憑風力之
 操持未暇計籌于善後及一旦幸獲陞遷離任有日而清
 夜捫心自問造福于地方者何事施惠於百姓者何人恐
 福之未或造惠之未或施作孽既多含怨不少而奸民黠
 棍將有起而議之者矣司牧者于此縱難挽救于從前猶
 可彌縫于今日其政關錢穀刑名謀之乎已者毋使稍留

福惠全書

卷之三十一

陞遷部

缺畧事涉紳衿庶役及之乎人者尤須格外周旋諸寧存
 去後之思切勿惹瀕行之玷雖不敢云攀轅卧轍冀吾民
 借寇之求或亦得免室戶壤磚為共歌推謝之去斯可矣
 至于事臨別之上官宜如循牆考父三命滋恭款新任之
 同寅比之令尹子文舊政必告庶乎遠邇上下咸安榮宦
 以相隨前後始終無愧圖書之數卷不亦美乎

清錢糧

任內錢穀每年雖有奏銷清冊然解支款項不無移緩就
 急支透暫那以致從前奏冊逐項雖清而節次通盤猶多

未楚須將所移之項在民欠者催完補孔透那之數在官
 役者追補還倉必起解條條如額既無毫忽之遺存留款
 欸皆清亦無多寡之謬不惟全任內經手之考成即可作
 離任交盤之定案至于存留一項惟各役工食或因公事
 而透支或尚在官而未給透支者窮役難償少則代賠多
 則抵兌別役未給者通查給數貧則補與殷則取領批存
 或亦情理之宜行總須平日之恩均何致茲時之較量否
 則解支不清那空無補致滋新任之留難而未給之奸徒
 乃乘機負義不告官而告役指稱作弊侵吞新任稍有不

治用是持其柄而攝之則調停多費申得損聲皆于是乎
在矣然此務宜留心于瓜期將屆之前恐遲則時日倉卒
料理之弗遑耳

造交盤

夫交盤不止一事而造册各有經承其應造者有地丁糧
册有襍項錢糧册有倉穀册有驛遞夫馬册有欽部憲
件册有監犯花名册有貯庫賦罰什物册有私鹽變價册
而錢穀之交盤為尤重今姑以錢糧言之夫節年任內錢
糧自應每年終將解支款項照實徵册查算應解者解掣

獲批迴應支者支取具領狀各附卷不使分毫虧透攢造
清册此即一年之底册也如有未完民欠註明底册俟來
歲開徵先令補完尾欠以足去年未完倉口則一年之錢
糧徹底全完矣今年如是來年復如是在任之年無有不
清惟本年之經徵完欠與解支實數尚待將卸事之時方
能煞定總數其解數查照批迴如批未獲即于交盤册本
項下註明其支數查照領狀通算一年扣至卸事之日為
止不得多支一日恐接任官與上司駁查本年錢糧徵完
應解者若未抵奏銷之限尚宜畧存作實在存庫銀兩交

代新任若經徵錢糧未抵應全完之期亦宜畧存作未完
民欠交代新任接徵否則新任甫蒞無項可動未免見嫉
前官不留餘地以此介介耳

查倉穀

夫倉穀所以備賑者也從前或捐或罰原無定額故官將
卸事未完者催交結件力不贍者註銷出示以免里蠹原
差中飽今則常平捐納米穀例報藩司領實收呈部監換
給執照每年照地畝勸輸穀石本州縣具詳督撫彙題雖
顆粒難容虧短至于出陳易新春糶秋糶則收納定要分

明于卸事時將每年捐納勸輸以及糶糴之數有無前任
舊管以及本任動用開除備造四柱清冊每年一樣二本
有無動支牌票領狀粘卷候代其實在倉穀預先自行盤
驗封固更防胥役乘機偷竊如有本官那移即須買補毋
令交代盤查虧少有等不情之人弗待買補遽以虧少具
申則失體面矣

查庫貯

本官新任有前官交下貯庫之物冊有無某衙門解繳及
本任貯庫等物須查節年貯庫紅簿照數備造清冊一樣

二本候代其庫物預先逐件查點明白如有抵換遺失即係庫書侵盜嚴行究追其應交代者人命之兇器盜賊之贓仗私鹽之變價上司之贖銀與欽憲重案之應解審等物如係自理及無緊要存庫之物不必造入交盤宜將原庫簿繳銷俟交代時聽新官盤驗

查稅契

地方雜稅全書載有定額者每年自應照額起批差解無定額者每年止照舊例畧為增減起小批差解其批俱粘存案卸事時將任內節年解過稅銀備造清冊一樣二本

候交代連批送驗其每年收稅底簿及更換牙帖俱宜查繳不得存留該房其田房稅契奸牙平日多隱徇不報宜于報墜之後嚴諭官牙將未經稅契者即速報稅須免其戡耗庶官牙人等攬稅者多至貧衿衙役例于印官卸事時乞恩討印亦宜酌從以示加惠否則延匿不報雖恭情執法亦無補于事也無額稅銀雖有贏餘但以羨補不足而本府及經承俱歲有常規州縣官所有無幾然例有之規斷不可少若稍為吝惜非屢行駁查即發示申飭以長奸猾隱漏之弊不可不知故併及之

陸遷部

結 欽憲件

本任内有命盜及追贓重案事關 欽部者例有定限遲
 延參處若任内未完有礙墮任應審報者速行審報應追
 比者速行追比若丁憂事故離任未完事件照離任官例
 于補官之日每案罰俸一年其批審憲件亦宜速審詳結
 于卸事時將 欽部未完事件并憲批未完事件各造簡
 明册一樣二本並原卷檢明候代如有憲件贖緩應追比
 者亦造册交與接管催解

清監倉

監羈人犯時宜弔簿清理固不俟卸任日爲然也然卸任
 清查以便交代新官其獄中有題結死罪候決之犯有軍
 徒候遣之犯有重案未結之犯俱應備造花名清册一樣
 二本候代其各犯須逐案查明實數親身詣監逐各點驗
 是否原案之人年貌聲音是否相對恐奸胥乘機作弊將
 廢疾瘖啞者抵換仍嚴飭刑胥獄卒嚴加鎖鑰謹慎隄防
 以候新官查驗其部憲追贓追贖之犯亦應各造花名册
 照式交代承追其自理詞訟監羈及追罰之犯一槩當堂
 逐釋註銷免致胥差滋擾

簡詞訟

報陞之後其人命盜逃重案自應照常准理其餘雀角細
 事以及戶婚田土或可片言剖決者即與剖決或有牽連
 即批令鄉地親友從公處釋若卸事將近更不宜輕准時
 方料理交代未暇即審以致原被証佐諸人羈遲守候費
 錢失時而胥役且得借端需索指官誣詐更有奸吏以暮
 夜之金聳動本官為怨家報仇雪憤以為時將去在即一
 二事稍為出入亦無害耳不知輸家豈能甘服必待新官
 告理拔連過付之人是官未及束裝而訟牘已形矣不亦

大玷乎此斷宜拒絕者也

請署篆

陞任之後上司既有知照附近省會督撫藩臬即宜親謝
 遠則或先具稟啟致謝其就近道府亦應親往面謝凡有
 奉到部憲要件面時即宜請示作何歸結以便遵行如新
 官大選推陞距任地寫遠不能即至須詳請委署若地方
 事尚有未完恐生手一至便有許多不難鄰寅僚佐平日
 有情誼相契者不妨為之商請若地頗殷饒未有不樂從
 者撫軍方伯素好垂青亦即面為稟懇方具文請署其任

內錢穀刑名交盤冊卷料理齊備侍署篆到日肯即周旋
交代便可結一任之局恐久戀地方又遇逃人盜案及為
沾滯矣○其署印官方伯具詳撫軍批允即宜備吉啟紅
批差役迎請如係本府郡丞別駕又屬上司其迎請各色
儀文尤為加謹使其喜悅更自用心也

接新官

新任係京選者遠則照例迎接近則可直接至京係推陞
者亦照例視遠近而迎其迎啟須檢點各諱與引用典故
恐涉嫌疑開罪措詞宜卑謙婉曲令頭接衙役帶去臨任

時雖或署篆接受交代如尚未啟行仍應設席迎風備儀
致賀以申款洽毋謂交代無關可以疎畧而去後按求舊
官在任多年保無絲毫之滲漏乎

發家眷

夫官係陞遷京職及外省丞牧家眷或未便先行如係事
故解任家屬歸里斷宜先行不惟舟車猶是自行辦理呼
應尚靈且免臨時搬運行裝紛紜細載道路觀之未雅所
遣護送衙役須平時老成使令之人抵家即宜犒賞路費
令其早還不可久留○近聞有不肖官員離任起行地方

含恨竟閉城門不容放行且更喧擁市衢褫夫人之衣而
毆及與從者嗚呼居官至此可不耻哉可不畏哉敢並記
之俾司民牧者宜着眼也

銷號件

凡在內催拘錢糧詞訟稅襍事件原差俱有承票各房俱
有號簿于將卸事之時諭令經承原差將承催號件嚴行
催結定于某日通比應催結者尚有未完仍勒限嚴催赴
比另日再銷其餘可寬免者盡行註銷出示曉諭其差票
勾抹隨帶入內衙如自理併襍差牙襍稅契諸號簿比銷

之後亦隨交帶入免留在外以滋日後口實

引案卷

凡本在內 欽部憲件并命盜重案已經完結各案卷通
引詳查從前粘連印縫無差共若干件其未完結之 欽
憲件將原行詳覆底案粘連成卷共若干件其未經審結
命盜重案若干件須將各案口供看語細加檢看要與原
詳文相合如供看內有字語差錯不對詳文者須改正如
一原被狀詞呈稟前後審取口供招看及牌票應存者存
應刪者刪俱換順月日粘連用印存案使後官接審或委

員會勘免致奸胥抽換及混亂不清也以上各件俱應發
 房悉令該經承照數具領批發存房領狀粘卷存貯本官
 備照以免該承遺匿混賴前任弔查未經發出之弊其自
 理詞訟內民間戶婚田土應存案者其口供審語照式粘
 存以備日後興爭弔取前卷為憑如不應存案文卷悉繳
 貯本官備查不必發房

毀刑具

夫重枷大板之設所以警蠹棍而示威嚴也豈常用之具
 乎若存而弗毀恐有乘怒騁威以戕虐民命者是誰之孽

耶如在任有此于謝事之時宜盡行焚燬以滅其跡則雷
 霆雨露皆天地仁愛之心也

備文冊

卸事之時須將空白應用簿冊長文領結并紅白手本稟
 揭封函之類俱宜照式用印記數收貯以備一時之需免
 致向新官手借印殊覺煩難也

買補驛馬

凡驛馬有額設之數交代定須如額但有陞信即宜購補
 馬匹若待臨時馬主乘機勒索高價且有養好傷殘之馬

倉卒難容檢擇而新官從來務要臆壯強健者其看出傷
 殘豈肯收受不徒費金錢乎所買補之馬須即加印烙另
 槽餵養以候交代若一入驛中又將疲敝不堪矣更有新
 官利干拆色如缺額一時難買莫若照市值算銀亦兩便
 之道但止取收到驛馬印結則多寡有無皆非我所計矣

諭鋪行

將卸事時須出示曉諭鋪行及買辦人等本州縣自蒞任
 以來其日用米麵菜蔬以及布帛襪物俱係現發紋銀照
 市價平買並無絲毫賒取短抑即今離任伊邇恐有買辦

乘機作弊除短鋪行價值許即時喊稟本州縣以憑重究
 追償爾鋪行毋得隱忍自累致咎本州縣言之不早也

還借辦

將卸事時宜出示曉諭各鋪行及工房經手人等本州縣
 自蒞任以來所有借辦什物傢伙等項俱開有細數列于
 示後以便本人認取已嚴諭家人不許擅動俟本州縣出
 衙門之時爾鋪行各宜伺候照數搬回毋得自悞倘有衙
 役勒措不還許赴本州縣喊稟以憑責究追給

賞吏役

夫在任多年各有該管經承自能乞恩沾惠其忠厚朴實者不敢以瑣事輕干本官于離任時所有難携粗重木器及舊屏敝簾之類或效力班頭與守門皂隸挑水打掃火夫酌量多寡均分賞給一以酬勞一以使若輩叨去後之思也

辭鄉紳

夫鄉紳在任相與有年素承歲時餽問其將離任自應視爵位之崇卑與交情之厚薄而畧申別敬宜命禮房將本治鄉紳現任京外及告致閑任在家以及舉貢監衿居恒

往來者通行查開摺子送宅再將宅內歲時禮節底簿詳查其爵尊者或備盃幣羊酒扁額親詣致謝稍厚者羊酒扁額再次扁額俱差人致謝扁額金絲墨字之不一俱鼓吹往送其餘不應送者未能徧及如鄰境有應致意者亦酌量行之以盡臨歧纏綿之忱而已但羊酒扁木俱給與價值取領存據製扁匠役亦給飯資總之善後宜周勿因惜小費而致歛怨商民也

辭文廟常祀

文廟乃本治教化之宗城隍乃是邦福德之主此州縣朔

乃本之乃當作
即字乃是之乃
當刪去

望所敬禮而仰賴者也。詎解綬登車而不稽首告謝乎。于
 離任前擇吉恭謁 文廟 城隍及常祀諸祠廟至于修
 葺藻飾平日宜然若待瀕行動念倉卒興工則未免草率
 從事弗克堅久矣

出衙

署官攝篆無論進衙居住與否總宜早葺公館或借賃民
 房移出庶便修理以候新官其出衙時須各處親加檢看
 恐有字跡粘貼牆壁及不當人見之物衙役及後官拾得
 留作話柄且有藏匿要件遺忘再為入取更覺未便也。

其衙門窓隔門戶以及櫥竈等類皆係民膏民力所成而
 本官眷屬藉以栖息者歷有年所若反而思之苟有惠澤
 及民飲食寢處庶無餘媿否則仰屋傍徨應汗流浹背寧
 敢毀已成之工又累百姓金錢乎宜嚴諭家人毋得妄信
 俗說擅毀一椽寸木查出定行重責出示實貼三堂其加
 遵守可也

交代

凡交盤册造成本官逐款磨對既清于在任時先取各房
 並無未完錢糧事件甘結存據俟新舊交代日然後將各

房攢造交盤册每一樣二本并批領卷宗共若干件傳請
 寮佐眼同親交新任或署任彼必查明無舛方將交盤册
 前頁面新官寫收字用押舊官寫交字用押各執一本存
 據新官再出一印結付與舊官然後出已經交代文書印
 結申報各上臺則舊官可以翩然長往矣

辭上司赴新任

新官既經交代申報舊任必由府道藩臬出結報院陞京
 職則院給咨吏部陞外任則吏部發憑咨院給付本官以
 便到新任然辭別上司禮節儀文尤宜從厚加謹母謂離

任便係客官可以大意而行每每獲罪上司致有不終之
 失可不戒哉

福惠全書卷之三十二終

